

Euskal Herriko Ahotsak
ahotsak.com

Begoña Mugerza Oria

*Elgoibar,
Gipuzkoa
(1953)*

Aurkibidea



Biografia



Elgoibarren jaioa 1953an. Gurasoak ere elgoibartarrak zituen. Maalako mojen eskolan ibili zen 15 urtera arte eta gero administraritza ikasi zuen gau-eskolan. Elgoibarko Udalean lan egin zuen, Artekartizan. Azken urteetan San Lazaro egoitzako administrari arduraduna izan da. Parrokian ere asko lagundu izan du, bai barruko jardunean eta baita mezetan ere 1972tik gaur arte. 70eko hamarkadan Ongarri Kultur Elkartearen sartu zen bazkide gisa eta hainbat kontutan laguntzen zion ahizpari, hura izan baitzen Ongarriko idazkari 1968tik aurrera eta lehendakari 1975etik aurrera. [Gloria](#) ahizparekin batera elkarrizketatu dugu, "Elgoibarko euskararen historia soziala" proiekturako.

Zintak

EGB-138

- **Proiektua:** Euskararen historia soziala Elgoibarren
- **Elkarrizketatzailea(k):** Agirrebeña, Aintzane
- **Data:** 2023-07-04
- **Iraupena:** 80 min
- **Euskarria:** Bideo digitala
- **Kodifikatzailea:** Agirrebeña, Aintzane

Pasarteak

1. Gurasoek beti euskaraz

- **Erref:** EGB-138/003
- **Iraupena:** 0:00:56. **Hasi:** 00:01:04. **Bukatu:** 00:02:00
- **Multimedia:** bideoa online ikusgai

Gaia(k):

- Euskara » Euskararen egoera
- Familia eta harremanak » Lagunartea eta familia » Etxeko giroa

Laburpena:

Maalan jaio ziren. Gurasoak elgoibartarrak: aita Errosario kalekoa eta ama Melitongoa. Gurasoek euskaraz egiten zuten beti. Beraiek kalean eta eskolan gaztelaniaz egiten zuten.

2. Maalako eskolan; neskentzako aukera gutxi

- **Erref:** EGB-138/004
- **Iraupena:** 0:02:53. **Hasi:** 00:02:00. **Bukatu:** 00:04:53
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Mojak
- Ohiturak eta bizimodua » Hezkuntza » Goi mailako ikasketak
- Ohiturak eta bizimodua » Hezkuntza » Eskolaz aparteko ikasketak
- Familia eta harremanak » Sexua eta generoa » Genero berdintasuna

Laburpena:

Maalako eskolan ibili ziren, oinarrizko ikasketak ikasten. Haur eskolan neskak eta mutilak. Gero neskak bakarrik. Euren anaiak eskola publikora joan ziren gero. Begoñak administraritza ikasi zuen gau-eskoletan. Garai batean ez zegoen emakumezkoentzat ikasketarik, sukaldean eta josten bakarrik ikasten zuten. Gerora señorita Anitaren akademian eta Santa Klarako mojetan ikas zezaketen Batxilerra. Anaietako bat Sigma lantegiko eskolan ibili zen. Gazterik hasi ziren lanean.

3. Emakumeak Elgoibarko lantegietan; lan-asegurua

- **Erref:** EGB-138/005
- **Iraupena:** 0:01:40. **Hasi:** 00:04:53. **Bukatu:** 00:06:33
- **Multimedia:** bideoa online ikusgai

Gaia(k):

- Ekonomia eta industria » Lan-baldintzak
- Ekonomia eta industria » Industria motak » Ehungintza, oihalgintza
- Ekonomia eta industria » Emakumeak lan-munduan (etxetik kanpo)

Laburpena:

Elgoibarren emakume askok lan egiten zuten lantegietan: Sigman, oihal-lantegietan, abarketagintzan... Batzuek etxean lan egiten zuten, baina etxean ez zegoen asegururik. Lantegietan ere beti ez. Garai batean ez zen derrigorrezkoa. Gloriak eta ahizpak jostundegian lan egin zuten, batere asegururik gabe.

4. Maalako mojen eskolan gaztelaniaz

- **Erref:** EGB-138/006
- **Iraupena:** 0:02:28. **Hasi:** 00:06:33. **Bukatu:** 00:09:01
- **Multimedia:** bideoa online ikusgai

Gaia(k):

- Euskara » Euskararen egoera
- Ohiturak eta bizimodua » Hezkuntza » Mojak

Laburpena:

Eskolan gaztelaniaz ikasten zuten. Bazeuden moja euskaldunak, baina ezin zuten euskaraz egin. Baserritarrek euskaraz egiten zuten elkarren artean. Ez zuten zigorrik jasotzen euskaraz egitearren. Ikasturte bukaerako azterketa egin ostean gailetak ematen zizkieten. Alkatea joaten zen eta guardia zibilak ere bai, asko euren ikaskideen gurasoak ziren eta.

5. Emakumeek Zerbitzu Soziala egin behar

- **Erref:** EGB-138/007
- **Iraupena:** 0:02:28. **Hasi:** 00:09:01. **Bukatu:** 00:11:29
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Maisu-maistrak
- Familia eta harremanak » Sexua eta generoa » Genero berdintasuna

Laburpena:

Garai batean emakumeek Zerbitzu Soziala egin behar izaten zuten, pasaporte edo gidabaimena ateratzeko. Lanean egonez gero, hiru hilabetean egin zitekeen; bestela bi urtean. Ikasi beharrekoak "Formación del espíritu nacional", erlijioa, sukaldaritza, josteta... Bakoitza nork ematen zien. Eskola publikoko Dominika Atxa maistra gasteiztarra zen zuzendaria.

6. Kontua irekitzeko gizonezko baten baimena behar

- **Erref:** EGB-138/008
- **Iraupena:** 0:01:17. **Hasi:** 00:11:29. **Bukatu:** 00:12:46
- **Multimedia:** bideoa online ikusgai

Gaia(k):

- Familia eta harremanak » Sexua eta generoa » Genero berdintasuna

Laburpena:

Aitak Aurrezki-kutxan lan egin zuen eta ohitura zuen umeei jaio orduko kontua irekitzeko. Beraiek jada kontua irekita zuten, ez zuten arazorik izan, baina, bestela, emakumeek aitaren edo senarraren baimena behar izaten zuten kontu bat irekitzeko. Emakume askok, ohituraz, lana uzten zuten ezkondu ostean.

7. Garai batean familia handiak eta diru gutxi

- **Erref:** EGB-138/010
- **Iraupena:** 0:01:29. **Hasi:** 00:13:11. **Bukatu:** 00:14:40
- **Multimedia:** bideoa online ikusgai

Gaia(k):

- Iritziak » Antzinako bizimoduari buruzkoak
- Familia eta harremanak » Lagunartea eta familia » Etxeko giroa

Laburpena:

Garai batean familia ugariak ziren gehienak eta etxean norbait behar zen familia hazteko. Beraiek ere segidakoak dira. Begoña da gazteena, tartearekin. Zortzi anai-arreba izan ziren. Amak beraiek hazteaz gain, abarketak josten egiten zuen lan etxean.

8. Elkarte gastronomikoak kultura edo kirol jardueraren batekin lotuta

- **Erref:** EGB-138/012
- **Iraupena:** 0:01:13. **Hasi:** 00:15:03. **Bukatu:** 00:16:16
- **Multimedia:** bideoa online ikusgai

Gaia(k):

- Aisia » Taberna giroa » Tabernak eta jatetxeak
- Aisia » Kultura » Herrigintza eta elkarteak
- Aisia » Taberna giroa » Elkarte gastronomikoak

Laburpena:

Ongarri elkarteak noiz sortu zen. Garai batean familia baten taberna izan zen eta gero gizonezko talde batek elkarte gastronomiko bihurtu zuen. Gerora eskatu zen baimena kultur elkarte ere bihurtzeko. Garai batean elkarte gastronomikoak kultura edo kirol jardueraren batekin lotu behar izaten ziren.

Transkripzioa

- Noiz sortu zan Ongarri?
- Begoña: A, hori nik ez dakit.
- Gloria: Hori ez dakigu noiz... zenbat urte eingo zaban... Bueno, entereau leike.
- B.: Ez dakit, 59an, 60an... hor, hor gutxi gorabehera.
- G.: Lehenengo tabernia izen zan haura, Errezabalko tabernia.
- B.: Baiña famillia baten tabernia izen zan.
- G.: Baiña gero, harek laga zebeñian...
- B.: Gero soziedade bezela erosi zan.
- G.: ... hartu zebeñ...
- B.: Bai, gizonezko...
- G.: Grupo hori, gizonezko grupuori.
- B.: Gizonak bakarrik zian, e. Eta gastronomika bezela hasi zan.
- G.: Gero eskatu zebeñ kultural bezela. Zeatikan -orduan ez dakitt- gero bihar zan soziedadiak zabaltzeko...
- B.: Soziedadiak bihar zebeñ aktibidade kultural bat eukitzia. Horregatik da Gure-bide ziklismo, Biar Dana musika, Egotoki atletismo, Zubi-ondo ajedrez... Bakoitzak daka aktibidade bat.
- G.: Ta ein bihar zan urtian behintzat aktibidade bat.
- B.: Hori bai zala legezkoa, usten det, e. Derrigorrezkoa, bete bihar zala. Eta hoiek hasi zian kultural. Kultural.
- G.: Bai, kultural. Hola egon zian... ez dakit zenbat urte eingo zian.

9. Ongarri elkartearen hasierako urteak: gastronomia eta kultura

- **Erref:** EGB-138/013
- **Iraupena:** 0:02:20. **Hasi:** 00:16:16. **Bukatu:** 00:18:36
- **Multimedia:** bideoa online ikusgai

Gaia(k):

- Aisia » Kultura » Herrigintza eta elkarteak
- Aisia » Taberna giroa » Elkarte gastronomikoak

Laburpena:

1968an sartu zen Gloria Ongarri elkartean, idazkari gisa. Ordurako elkarte gastronomikoa eta kulturala banatuta zeuden. Elkarte gastronomikoak eta tabernak Maalan jarraitu zuten eta kultur-elkarteko kideak parrokiaren Ubitarteko zentroan biltzen ziren. Gerora Errosario kaleko lokal bat alokatu zuten eta geroago beste lokal bat Ubitarten. Kultur arloan indar handia izan zuen.

10. Ongarri elkarte, arloka

- **Erref:** EGB-138/014
- **Iraupena:** 0:03:29. **Hasi:** 00:18:36. **Bukatu:** 00:22:05
- **Multimedia:** bideoa online ikusgai

Gaia(k):

- Aisia » Kultura » Herrigintza eta elkarteak
- Aisia » Jai-giroa » Herriko ospakizunak
- Aisia » Kultura » Hitzaldiak

Laburpena:

Ongarri elkarte arloka antolatu zuten. Arte arloan marrazki-lehiaketak, ikastaroak, erakusketak eta aire libreko pintura-lehiaketa egiten ziren. Abuztu hasieran izaten zen lehiaketa eta San Bartolome jaietan erakusketa. Argazki arloan ikastaroak, erakusketak... "Ateneo Guipuzcoano"rekin harreman handia zuten eta urtean 20 hitzaldi antolatzen zituzten, gai ezberdinen inguruan. Hitzaldietara ekarritako zenbait partaide aipatzen dituzte. Sorospen ikastaroak ere ematen zituzten, Donostiako suhiltzaileekin.

11. Ongarrik antolatutako Juan San Martinen hitzaldia

- **Erref:** EGB-138/015
- **Iraupena:** 0:01:57. **Hasi:** 00:22:05. **Bukatu:** 00:24:02
- **Multimedia:** bideoa online ikusgai

Gaia(k):

- Politika » Euskara eta politika
- Aisia » Kultura » Herrigintza eta elkarteak
- Aisia » Kultura » Hitzaldiak

Laburpena:

Ongarri elkarteak antolatutako hitzaldiak. Juanito San Martinen hitzaldiaren kartela gaztelaniaz zegoen, baina azpian letra txikiz jartzen zuen hitzaldia euskaraz izango zela. Baimena eskatu behar izaten zen Gobernu Zibilean gauza guztietarako eta gero dena justifikatu behar izaten zen. Batzuetan Gobernu Zibilera azalpenak ematera ere joan behar izaten zuten.

12. Alkatearen laguntza, Gloria Ongarriko lehendakari izan zenean

- **Erref:** EGB-138/016
- **Iraupena:** 0:05:47. **Hasi:** 00:24:02. **Bukatu:** 00:29:49
- **Multimedia:** bideoa online ikusgai

Gaia(k):

- Aisia » Kultura » Herrigintza eta elkarteak

- Herria, azpiegitura » Herri-antolaketa » Udala

Laburpena:

Ongarri elkarteak Gipuzkoako Foru Aldundiarekin zortea izan zuela dio Gloriak, harreman ona izan zutelako. Dirulaguntzak ere jasotzen zituzten. 1975an Ongarriko lehendakari izendatu zuten Gloria; Gipuzkoa mailan lehen emakumea izan omen zen kultur-elkarte bateko lehendakari postuan. Garai hartan Jaime Arrese zen Elgoibarko alkate eta hark ere asko lagundu zien. Besteak beste, alkateak eskatuta, herriko elkarte guztien laguntzarekin, Jubilatuen lehen bazkaria antolatu zuten San Bartolome jaietan. Azoka plazako teilatuan ospatu zen lehenengoa. Gero beste leku batzuetan egin izan zen. Antolaketaren inguruko azalpenak.

13. Ongarri elkartearen ekintzak jaietan

- **Erref:** EGB-138/017
- **Iraupena:** 0:02:34. **Hasi:** 00:29:49. **Bukatu:** 00:32:23
- **Multimedia:** bideoa online ikusgai

Gaia(k):

- Aisia » Kultura » Herrigintza eta elkarteak
- Aisia » Jai-giroa » Herriko ospakizunak
- Euskara » Euskararen egoera

Laburpena:

Ongarri elkartearen aktak gaztelaniaz jasotzen ziren. Zuzendaritzako kideek gero hainbat laguntzaile izaten zuten ekimenetarako. Elizatik sortutako "Juventud elgoibarresa" taldeko kideekin ere bazuten harremana. Ekintza asko antolatzen zituzten jaietan. San Bartolome egunean dantza-solteko txapelketa eta Umeen eguna. Danborrada antolatzen zen Umeen egunean.

14. Umeen danborrada San Bartolome jaietan

- **Erref:** EGB-138/018
- **Iraupena:** 0:03:29. **Hasi:** 00:32:23. **Bukatu:** 00:35:52
- **Multimedia:** bideoa online ikusgai

Gaia(k):

- Aisia » Kultura » Musika
- Aisia » Jai-giroa » Herriko ospakizunak
- Aisia » Kultura » Herrigintza eta elkarteak
- Ohiturak eta bizimodua » Kantak » Kantei buruzko azalpenak

Laburpena:

San Bartolomeetan Umeen eguna ospatzen zen eta danborrada antolatzen zuten. Arropak hasieran Donostiako "Casa Angelita"tik alokatzen zituzten. Gerora beraiek egin zituzten 100 umerentzat arropak. Iñaki Larrañaga marrazkilariak laguntzen zien. Karroza. Musikaren arduraduna Antonio Azpiazu izaten zen. `Elgoibar´ pieza; Isaak Azpiazu anaiak hitzak jarri zizkion Inazio Bereziartuak egindako musika bati eta urtero abesten zen danborradan. Pilar ikastetxean egiten zituzten entseguak.

15. Ongarri kultur elkartearen gainbehera

- **Erref:** EGB-138/020

- **Iraupena:** 0:01:00. **Hasi:** 00:36:11. **Bukatu:** 00:37:11
- **Multimedia:** bideoa online ikusgai

Gaia(k):

- Aisia » Kultura » Herrigintza eta elkarteak
- Politika » 60ko hamarkada eta trantsizioa (1970-1980)

Laburpena:

Demokrazia sasoia hasi zenean, Udalean gauzak aldatu egin ziren eta elkarteen arteko sare bat sortu nahi izan zen, elkarrekin lan egiteko. Orduantxe etorri zen Ongarri elkartearen gainbehera. Handik aurrera argazkilaritza arloa eta zine-kluba bakarrik geratu ziren elkartean.

16. `Elgoibar´ kanta, Elgoibarko hereserkia

- **Erref:** EGB-138/022
- **Iraupena:** 0:01:50. **Hasi:** 00:37:42. **Bukatu:** 00:39:32
- **Multimedia:** bideoa online ikusgai

Gaia(k):

- Ohiturak eta bizimodua » Kantak » Bestelako kantak
- Ohiturak eta bizimodua » Kantak » Kantei buruzko azalpenak

Laburpena:

San Bartolome jaietako umeen danborradan urtero abesten zen `Elgoibar´ kanta abesten dute. Musika Inazio Bereziartuarena; hitzak Isaak Azpiaurenak. Kantaren amaieran "Aupa Elgoibar!" esaten zuten denek batera.

17. Herri-mezak; mezak euskaraz

- **Erref:** EGB-138/024
- **Iraupena:** 0:02:18. **Hasi:** 00:40:31. **Bukatu:** 00:42:49
- **Multimedia:** bideoa online ikusgai

Gaia(k):

- Aisia » Kultura » Musika
- Ohiturak eta bizimodua » Erlijioa » Elizkizunak eta otoitzak
- Ohiturak eta bizimodua » Erlijioa » Elizaren jarrera
- Ohiturak eta bizimodua » Erlijioa » Elizarekin lotutako pertsonak

Laburpena:

Antonio Azpiazuk umeen korua zuzentzen zuen eta gero elizan abesten zuten larunbatetan. Herri-mezak San Anton egunean egiten ziren on Karlos Agirre abadearen sasoian. Jende gutxi egoten zen egun horretan eta, on Karlos Agirre oso euskaltzalea zenez, herri-mezak egitea bururatu zitzaion. Mezak euskaraz zer garaitan hasiko ziren.

18. Abade euskaltzaleak Elgoibarren

- **Erref:** EGB-138/025
- **Iraupena:** 0:02:07. **Hasi:** 00:42:49. **Bukatu:** 00:44:56
- **Multimedia:** bideoa online ikusgai

Gaia(k):

- Politika » Euskara eta politika

- Ohiturak eta bizimodua » Hezkuntza » Ikastolak
- Politika » Jarrera politikoak » Abertzaleak
- Ohiturak eta bizimodua » Erlijioa » Elizarekin lotutako pertsonak

Laburpena:

Abade euskaltzaleak egon ziren Elgoibarren. Juan Beristain mutrikuarrarekin hasi zen ikastola (ofizialki). On Karlos Agirrek ere asko lagundu zion ikastolari. Garai hartan ikastolaren zati handi bat elizaren lokaletan zegoen. Haren multikopista erabiltzen zuten. Ongarri elkartekoei ere asko lagundu zien euskarazko kontuekin edo testuak idazmakina pasatzen. Urrestillakoa izan arren, Elgoibarko euskararekin ere moldatzen zen.

19. Euskara Ongarri elkartean

- **Erref:** EGB-138/026
- **Iraupena:** 0:01:42. **Hasi:** 00:44:56. **Bukatu:** 00:46:38
- **Multimedia:** bideoa online ikusgai

Gaia(k):

- Aisia » Kultura » Herrigintza eta elkarteak
- Euskara » Euskararen egoera

Laburpena:

Ongarri elkartean bakoitzak ahal zuena egiten zuen euskarari zegokionean. Aktak gaztelaniaz jasotzen ziren, euskaraz idazteko ere gai izan behar zen eta. Bazkide berriak lortzeko kanpaina egin zutenean, dena euskaraz eta gaztelaniaz egin zuten. Etxez etxe banatu zituzten paperak.

20. 1961ean Olentzerorekin kalejira, Ongarrik antolatuta

- **Erref:** EGB-138/028
- **Iraupena:** 0:00:47. **Hasi:** 00:47:47. **Bukatu:** 00:48:34
- **Multimedia:** bideoa online ikusgai

Gaia(k):

- Erlijioa » Ohiturak eta bizimodua » Eliza giroko ospakizunak » Gabonak
- Aisia » Kultura » Herrigintza eta elkarteak

Laburpena:

1961ean Ongarri elkartekoek kalejira antolatu zuten Olentzerorekin. Urte horretan bakarrik egin zen, gero debekatu egin zuten eta. Argazkia dago justu Ongarri elkartearen parean aterata.

21. Mari Ezenarro, Ongarri elkarteko antzerki batzordearen arduradun

- **Erref:** EGB-138/030
- **Iraupena:** 0:02:59. **Hasi:** 00:50:41. **Bukatu:** 00:53:40
- **Multimedia:** bideoa online ikusgai

Gaia(k):

- Aisia » Kultura » Antzerkia
- Aisia » Kultura » Herrigintza eta elkarteak

Laburpena:

Ongarri elkarteak antzerki batzordea ere bazuen eta Mari Ezenarro zen arduraduna. Manolo Rementeriak laguntzen zion. 1975 inguruan 'Bizia bizi truk' antzezlanaren prestatu zuten Trinitateetarako, baina egun horretan Elgoibarko Izarraren beste ekimen batzuk zeudela eta, Odeon egin zuten emanaldia urrian. Jesusen pasioa irudikatzen duen antzezlanaren ('Nekaldia') ere eskaini zuten parrokiaren bi urtez Aste Santuan. Garai bateko antzerki-taldeko Pako Juaristik, Miren Vallejo eta Kontxita Armendiak parte hartu zuten obra horretan eta baita "Juventud elgoibarresa"ko gazteek ere. Antzezlan gehiago ere egin zituzten.

22. Jendea ekimenetan laguntzeko prest

- **Erref:** EGB-138/032
- **Iraupena:** 0:02:28. **Hasi:** 00:53:59. **Bukatu:** 00:56:27
- **Multimedia:** bideoa online ikusgai

Gaia(k):

- Erlijioa » Ohiturak eta bizimodua » Eliza giroko ospakizunak » Gabonak
- Iritziak » Antzinako bizimoduari buruzkoak

Laburpena:

Garai batean gauzak antolatzeko jendearen laguntza eskatzen zen eta asko egoten ziren prest borondatez laguntzeko. "Juventud elgoibarresa"ko kideek ere euren burua eskaintzen zuten gauza askotarako, esaterako Umeen egunean laguntzeko. Umeen danborradako karroza muntatzeko ere laguntzaileak izaten zituzten. Garai batean militantzia handia zegoen; gaur egun asko aldatu da kontua. 1960-1961 inguruan Erregeen kabalkada ere antolatu zuen Ongarrik.

23. Bergarako Bonifazio Laskurain txistulariak egindako danborrak

- **Erref:** EGB-138/033
- **Iraupena:** 0:02:25. **Hasi:** 00:56:27. **Bukatu:** 00:58:52
- **Multimedia:** bideoa online ikusgai

Gaia(k):

- Aisia » Kultura » Musika
- Herria, azpiegitura » Herri-antolaketa » Udala
- Aisia » Jai-giroa » Herriko ospakizunak

Laburpena:

Beraien osaba, Patxiko Etxeberria, txistularia zen eta harreman handia zuen Bergarako Bonifazio Laskurain txistulariarekin. Lantegia zeukaten eta danborrak egiten zituzten. Umeen danborradarako danborrak egin zizkieten eta larruzko mantalak ere bai. Euren osabak txistuak egiten zituen. Udalak dirulaguntza ematen zien, materiala erosteko, baina aurrekontua doitu behar.

24. Jaime Arrese alkatearen laguntza

- **Erref:** EGB-138/034
- **Iraupena:** 0:00:47. **Hasi:** 00:58:52. **Bukatu:** 00:59:39
- **Multimedia:** bideoa online ikusgai

Gaia(k):

- Aisia » Kultura » Musika
- Herria, azpiegitura » Herri-antolaketa » Udala

Laburpena:

Jaime Arrese alkateak asko laguntzen zien dirulaguntzak edo materiala lortzeko orduan. Emazteak parrokiako koruan abesten zuen beraiekin batera.

25. Ongarri elkarteak antolatutako hitzaldiak

- **Erref:** EGB-138/035
- **Iraupena:** 0:05:02. **Hasi:** 00:59:39. **Bukatu:** 01:04:41
- **Multimedia:** bideoa online ikusgai

Gaia(k):

- Politika » Euskara eta politika
- Aisia » Kultura » Herrigintza eta elkarteak
- Aisia » Kultura » Hitzaldiak

Laburpena:

Gipuzkoako Foru Aldundiak asko laguntzen zien garai batean eta Gloriak dio gutun bat ere baduela antolatzen zituzten hitzaldiengatik eskerrak ematen. Emakumeak ere ekartzen zituzten hitzaldiak ematera, esaterako, Pilar de la Cuadra idazlea. Usparitza ginekologoaren hitzaldia ere emakumeei zuzendua izan zen. Mikel Laboa ere egon zen behin eta abestu ere egin omen zuen. Iñaki Linazasoro ere sarri egoten zen. Saiatzen ziren emakumeen alde gauzak egiten. Lan handia izaten zen hitzaldiak antolatzea, baimenak eskatzea eta abar. Gainera, dena justifikatu egin behar izaten zen eta "espiak" ere ibiltzen omen ziren gero.

26. Garai bateko umeen Euskal jaiak

- **Erref:** EGB-138/039
- **Iraupena:** 0:01:39. **Hasi:** 01:06:09. **Bukatu:** 01:07:48
- **Multimedia:** bideoa online ikusgai

Gaia(k):

- Aisia » Kultura » Dantza

Laburpena:

Euskal jaiak egiten ziren. Argazkiak badituela dio Begoñak. Euren ilobak euskal jaietan ibiltzen ziren 70 hamarkada hasieran. Herriz herri joaten ziren gero. Gloriak Ondarroako 12 ume eduki omen zituen etxean bazkaltzen behin.

27. Ongarri elkarte itziarko zentral nuklearraren inguruko batzarretan

- **Erref:** EGB-138/043
- **Iraupena:** 0:01:39. **Hasi:** 01:10:49. **Bukatu:** 01:12:28
- **Multimedia:** bideoa online ikusgai

Gaia(k):

- Aisia » Kultura » Herrigintza eta elkarteak

Laburpena:

Itziarko zentral nuklearraren inguruko kontuetan ere parte handia izan zuen Ongarri elkarteak. Ongarriren izenean, Gloria joaten zen Deban egiten ziren bilera klandestinoetara. Mila Oartzabal ere joaten zen "Padres de familia" elkartearen izenean.

28. Jende asko Ongarriren aire libreko pintura lehiaketara

- **Erref:** EGB-138/047
- **Iraupena:** 0:02:32. **Hasi:** 01:15:16. **Bukatu:** 01:17:48
- **Multimedia:** bideoa online ikusgai

Gaia(k):

- Aisia » Kultura » Herrigintza eta elkarteak
- Aisia » Kultura » Beste adierazbide batzuk

Laburpena:

Ongarri elkarteko argazkilaritza batzordean errebelatzeko gela prestatu zuten eta ikastaroak ematen zituzten. Abuztu hasieran aire libreko pintura lehiaketa egiten zen. Mocedades taldeko Urangatarren aita etortzen zen parte hartzera. Margolari asko etortzen ziren kanpotik. Margolan ugari egon ziren udaletxean ipinita. Norberto Zabalaren pintura denda zabalik edukitzen zuten, norbaitek zerbait behar izanez gero ere.

29. Patxiko Etxeberria osabak egindako txistuak

- **Erref:** EGB-138/049
- **Iraupena:** 0:01:13. **Hasi:** 01:18:16. **Bukatu:** 01:19:29
- **Multimedia:** bideoa online ikusgai

Gaia(k):

- Aisia » Kultura » Musika
- Lanbideak » Antzinako lanbideak » Artisauak

Laburpena:

Euren osabak, Patxiko Etxeberriak, txistuak egiten zituen. Euren anaiak eta koinatuak laguntzen zioten. Bere marka jartzen zien ahokoaren azpian.

Ahotsak.eus-eko edukiarekin sortutako dokumentu automatikoa.
2025-11-29

CC-by-sa | Ahotsak.eus
Badihardugu Euskara Elkartea
Markeskua Jauregia, 20600 Eibar
943121775 - ahotsak@ahotsak.com